



Ruj. Kami : KPDN.100-15/2/34 (7)
Tarikh : 16 Jun 2026

KEPADA SESIAPA YANG BERKENAAN

Tuan,

PERUBAHAN TARIKH PELAKSANAAN PERALIHAN KOD OGA "MIT" KEPADA KOD OGA "PDN" BAGI PERMOHONAN PERMIT IMPORT DAN EKSPORT GULA SERTA PERMIT EKSPORT SIMEN DAN KLINKER SAHAJA

Dengan hormatnya perkara di atas dirujuk dan surat rujukan KPDN.100-15/2/34(5) bertarikh 25 Mei 2026 adalah berkaitan.

2. Untuk makluman pihak tuan, terdapat perubahan terhadap tarikh *go live* Sistem ePermit bagi permohonan permit import dan eksport gula serta permit eksport simen dan klinker. Sehubungan itu, perincian fasa pelaksanaan adalah seperti berikut sebagai makluman dan persediaan awal pihak tuan:

(a) 2 Julai 2026 (Khamis)

- Sesi Kesedaran Sistem dan Latihan kepada Pengguna (*User awareness session*) (Nota: Mohon kemukakan pencalonan wakil syarikat yang akan menghadiri Sesi Kesedaran dan Latihan secara dalam talian menerusi pautan <https://forms.gle/vSVc2DBLLmgUSP2j8>).

...2/-



- E-mel jemputan akan dihantar kepada wakil syarikat yang telah mengesahkan kehadiran. E-mel jemputan akan dikeluarkan pada 30 Jun 2026 (Selasa) .

(b) 3 Julai 2026 (Jumaat)

- Pengguna boleh melanggan (*subscribe*) kepada kod OGA “PDN” melalui portal pendaftaran Dagangnet (<https://registration.dagangnet.com.my>). Namun tiada permohonan boleh dikemukakan di bawah kod ini sehingga tarikh *go live*.

(c) 10 Julai 2026 (Jumaat) jam 11.59 malam : Penutupan Kod OGA ‘MIT’

- Semua permohonan melalui kod OGA ‘MIT’ hendaklah dihantar sebelum 10 Julai 2026 (Jumaat) jam 11.59 malam. Permohonan yang dihantar sebelum tempoh ini akan diproses melalui Sistem ePermit lama.
- Selepas jam 11.59 malam, sistem bagi kod OGA “MIT” akan ditutup sepenuhnya untuk komoditi gula dan simen. Pihak syarikat tidak lagi dibenarkan menghantar permohonan melalui kod tersebut.
- Sekiranya terdapat mana-mana permohonan yang telah dihantar ke Sistem ePermit lama yang ditolak (*reject*) selepas 10 Julai 2026 (Jumaat), syarikat boleh mengemukakan semula permohonan baharu melalui Sistem

ePermit yang baharu (Kod OGA 'PDN') bermula jam 9.30 pagi pada 14 Julai 2026 (Selasa).

(d) 14 Julai 2026 (Selasa) jam 9.30 pagi : Sistem ePermit Kod OGA 'PDN' *Go Live*

- Syarikat boleh mengemukakan permohonan permit import dan eksport gula serta permit eksport simen dan klinker melalui Sistem ePermit baharu di bawah Kod OGA "PDN" menggunakan pautan:

https://newepermit.dagangnet.com.my/epermit/login/login_notice.html

- Mana-mana permohonan yang masih berstatus 'Draf' dalam sistem lama hendaklah diisi semula sebagai permohonan baharu dalam sistem OGA 'PDN'.
- Sekiranya terdapat mana-mana permohonan yang telah dihantar ke Sistem ePermit lama ditolak (*reject*) selepas 10 Julai 2026 (Jumaat), syarikat boleh mengemukakan semula permohonan baharu melalui Sistem ePermit yang baharu (Kod OGA 'PDN') bermula jam 9.30 pagi pada 14 Julai 2026 (Selasa).

3. Sekiranya ada berlaku sebarang perubahan kepada tarikh-tarikh ini, pihak tuan akan dimaklumkan dari semasa ke semasa. Sehubungan dengan itu, sebagai persediaan pelaksanaan peralihan kepada kod OGA 'PDN', kerjasama pihak tuan adalah dimohon untuk mengemukakan pencalonan wakil syarikat yang akan menghadiri Sesi Kesedaran Sistem dan Latihan melalui pautan ***<https://forms.gle/vSVc2DBLLmqUSP2j8>*** sebelum 29 Jun

2026 (Isnin). Jemputan Sesi Kesedaran Sistem dan Latihan akan dihantar kepada calon yang berdaftar sahaja.

4. Syarikat adalah diingatkan supaya melaksanakan perancangan sebaiknya dan bersesuaian agar tiada keperluan untuk syarikat mengemukakan permohonan permit import antara 11 Julai hingga 13 Julai 2026 kerana tiada penghantaran permit import boleh dibuat semasa tempoh tersebut.

5. Soalan Lazim (FAQ) mengenai pelaksanaan peralihan kepada Sistem ePermit baharu yang telah dikemaskinikan adalah seperti di **Lampiran 1** untuk rujukan pihak tuan. Sebarang pertanyaan dan bantuan teknikal berkaitan Sistem ePermit boleh dikemukakan melalui *Careline* ePermit di nombor 1 300 133 133 atau careline@dagangnet.com.

Kerjasama dan sokongan daripada pihak tuan bagi menjayakan proses peralihan ini amat dihargai dan didahului dengan ucapan terima kasih.

Sekian.

“MALAYSIA MADANI”

“BERKHIDMAT UNTUK NEGARA”

Saya yang menjalankan amanah,


(MOHD YUSRI BIN YUSOF)
Setiausaha Bahagian
Bahagian Kawal Selia Barang Kawalan
b.p. Ketua Setiausaha
Kementerian Perdagangan Dalam Negeri dan Kos Sara Hidup